



**NATZIONALE SARDA DE BÒCIA**  
SARDINIAN NATIONAL FOOTBALL TEAM

# A Diosa

Autore: *Sarvadore Frantziscu Sini*

Non potho reposare amore e coro  
pensende a tie soe donzi momentu.  
No istes in tristura prenda e oro  
né in dispiacere o pessamentu.  
T'assicuro ch'a tie solu bramo,  
ca t'amo forte t'amo, t'amo, t'amo.

Amore meu prenda de istimare  
s'affettu meu a tie solu est dau;  
s'are iuttu sas alas a bolare,  
milli bortas a s'ora ippo bolau;  
pro benner nessi pro ti salutare,  
s'attera cosa non a t'abbissare.

Si m'esseret possibile d'anghelu  
d'ispiritu invisibile piccabo  
sas formas; che furabo dae chelu  
su sole e sos isteddos e formabo  
unu mundu bellissimu pro tene,  
pro poder dispensare cada bene.



**FINS - FEDERAZIONE ISPORT NATZIONALE SARDO**

**FINS-SARDIGNA.NET · INFO@FINS-SARDIGNA.NET · NATZIONALESARDA@FINS-SARDIGNA.NET · +39 351 870 3724**

VIA SU RIEDDU, 11 - 09030 - PABILLONIS (SU) - SARDIGNA | C.F./VAT NUMBER 91022560923